



Här Fernand Etgen  
President vun der Chamber  
Lëtzebuerg, den 2. August 2023

Här President,

Esou ewéi den Artikel 80 vum Chambersreglement et virgesäit, bieden mir Iech, dës parlamentaresch Fro un den Här Wirtschaftsminister weider ze leeden.

Kierzlech huet déi lëtzebuergesch Konkurrenzautoritéit eng Enquête iwwert de Wunnengsmaart publizéiert wou den Immobiliësecteur analyséiert ginn ass. Sou ass ënnert anerem gekuckt ginn op d'Promoteuren respektiv bei der Promotion immobilière wei och beim Bau an der Commercialisatioun d'Reegele vum Marché respektéiert gi sinn. An dësem Kontext huet Konkurrenzautoritéit Constaten a Recommandatioune formuléiert, déi fir vill Diskussiounen a Reaktiounen am Secteur gesuergt hunn an op déi och vu Säite vum Ministère aus a Form vun enger Stellungnam reagéiert ginn ass.

An dësem Kontext géife mir gärer folgend Froen un den Här Wirtschaftsminister stellen.

- Ass déi Enquête vun der lëtzebuurger Konkurrenzautoritéit iwwert den Immobiliësecteur representativ ?
- Wéi sinn déi Betriber selektionéiert ginn déi ugeschriwwe gi sinn? Ass en Ënnerscheid gemaach ginn tëscht Bau-Entreprises an Promoteurs immobiliers respektiv den Entreprises déi a béiden Domainer aktiv sinn ?
- Mëscht d'Enquête kloer genuch den Ënnerscheid tëscht de verschiddenen Acteuren ?
- Wéi eng Froe sinn de Betriber gestallt ginn iwwer Salaireskäschten?
- Ass den Här Minister der Meenung, dass d'Konkurrenzautoritéit genuch Fakten hat fir zur Conclusioun ze komme „...et ass net ausgeschloss, dass eng Concertatioun besteet“ oder handelt et sech bis lo just em Hypotheesen opgrond vum Constat, dass Salairen niddreg sinn ?
- Misst d'Autorité de la concurrence net eng Instruktioun maache wann se e konkrete Verdacht huet ? Wäre et net méi sënnvoll gewiescht Conclusiounen eréischt no enger Instruktioun ze zéien ?
- Ass den Här Minister der Meenung, dass de Sozialdialog am Secteur immobilier fonctionéiert?
- Wéini krut den Här Här Minister Resultater vun der Enquête presentéiert?

Här President, mir bieden Iech eisen déifste Respekt unzehuelen.

Elisabeth Margue

Marc Lies

Deputéiert